

TUZAMK PRESS

press release tuzlanskog auto moto kluba

43 - maj 2016 .

AUTO KARTING KUP TUZLA 2016 1. TRKA BINGO KARTING KUPA

Početkom maja na poligonu - parkingu Binga na Šičkom Brodu. održana je prva karting trka "Bingo Karting kupa 2016". Trka je uspješno završena i najmlađi vozači kartinga su pokazali svoje vještine i sposobnosti čime su oduševili prisutnu publiku. Sa ponosom možemo reći da je karting sport sve popularniji na našim prostorima jer ova trka je privukla puno veći broj vozača u odnosu na prethodne godine. Prvo su nastupili najmlađi vozači kartinga u klasi 1 koja je rezervisana za vozače do 10 godina starosti i one koji tek počinju sa takmičenjem u ovom sportu. Prvo mjesto i zlatnu medalju zaslужeno je osvojio **Dino Mujanović**, odmah iza njega na drugom mjestu je **Enis Soljankić**, dok je

treće mjesto osvojila je djevojčica **Erna Soljankić**.

Nakon prve klase nastupili su malo stariji i iskusniji vozači druge klase koja je rezervisana za uzrast od 10 do 14 godina i borba za plasman je bila neizvjesna jer su svi podjednako dobri vozači.

Prvo mjesto i Zlatnu medalju osvojio je **Amir Ajdaslić** ispred drugoplasirane **Meline Tučić** koja je imala samo par stotinki slabije vrijeme od prvoplasiranog i osvojila srebrenu medalju, dok je treće mjesto i bronzanu medalju osvojio je **Sandro Tešanović** izuzetno dobar i talentovan vozač. U ovoj klasi vozio je i gost iz Živiničkog kluba Muhidin Hadžić koji je pokazao na stazi da je već iskusan vozač, ali imao je mali





problem sa motorom i osvojio je četvrto mjesto i nagrađen sa medaljom za Fer plej vozača. Još jedna medalja Fer plej vozač dodijeljena je Muhamedu Burekoviću koji je takođe dobar vozač ali nedostatak treninga je prouzrokovalo par proklizavanja i morao se zadovoljiti petim mjestom. Nakon prve i druge klase van konkurenkcije vozio je Armin Alibašić gost iz Živinica jer mu karting neodgovara tehničkom pravilniku karting takmičenja, ali je za svoje vozačke sposobnosti nagrađen je Fer plej medaljom.

Na kraju promotivno je nastupio Almir Bajrić višestruki Šampion BiH u karting sportu i ujedno i trener za mlade vozače koji je provozao par kruševa te je i on uz medalju nagrađen prigodnim poklonom. Svi vozači pored osvojenih medalja dobili su i diplome za učešće u prvoj karting trci. Sponzori takmičenja "Bingo karting kupa 2016" bili su svakako Bingo d.o.o i nezabilazni NIPEX Tuzla dugogodišnji sponzor i pratilac Almira Bajrića višestrukog Šampiona karting sporta, a koji sada podržava kompletну Karting sekciju i njene vozače. Sudijsku ekipu Tuzamka činili Mustafa Behlilović, glavni sudija, te sudci Nermin Mujčinović i Enes Muminović sudije najvišeg ranga u auto sportu. Direktor takmičenja bio je Ševal Bajrić.

Rezultati "Bingo karting kup 2016" - trka 1

| KLASA 1 - vozači do 10 godina | | | KLASA 2 - vozači od 9 do 15 godina | | |
|-------------------------------|----------------|----------|------------------------------------|-------------------|----------|
| 1. | Dino Mujanović | Tuzla | 1. | Amir Ajdaslić | Tuzla |
| 2. | Enis Soljankić | Tuzla | 2. | Melina Tučić | Tuzla |
| 3. | Erna Soljankić | Tuzla | 3. | Sandro Tešanović | Tuzla |
| 4. | Almir Bajrić | Tuzla | 4. | Muhidin Hodžić | Živinice |
| 5. | Almir Alibašić | Živinica | 5. | Muhamed Bureković | Tuzla |

Van konkurenциje u grupi vozača preko 15 godina starosti i motora koja ne pripadaju u prve dvije klase i nastupili su promotivno Almir Bajrić iz Tuzle i Almir Alibašić iz Živinica.

20. CIKLUS SAOABRAĆAJNO OBRAZOVNIH TAKMIČENJA 2016

OPŠTINSKO TAKMIČENJE KLANDANJ



Klandanski auto moto klub "Karaula" već po tradiciji bio je izuzetan organizator saobraćajno obrazovnog takmičenja za opštinu Kla-

danj, koje ovaj klub uspešno organizuje posljednjih nekoliko godina. Takmičenje je održano u Osnovnoj školi Klandanj, a karakteristi-

ka takmičenja bilo je po prvi put učešće uzela i područna škole što je od prije dvije godine uvršteno u propozicije upravo radi učešća što većeg broja kvalitetnih takmičara. Učestvovale su tri škole sa 13 takmičara, a postignuti rezultati su u standardu prošlih godina. Za kantonalno takmičenje su se plasirali Amna Suljkić koja je jedina osvojila 100 bodova, te Erna Šarić, Tarik Gogić i Aldin Alikadić sv iz OŠ Klandanj. Najbolja škola bila je Osnovna škola Klandanj.

OPŠTINSKO TAKMIČENJE BANOVIĆI



Organizator saobraćajno obrazovnih takmičenja za opštinu Banovići je već nekoliko godina za redom Auto moto klub BANAMK, a neposredni domaćin Osnovna škola Grivice. Iako takmičenje nisu pratili najbolji vremenski uslovi takmičenje je organizaciono provedeno besprekorno pri čemu posebno priznanje treba odati Salestović Zumreti aktivistici lokalnog auto moto kluba nastavnici u školi Osnovnoj školi Grivice, koja je prije samog takmičenja održala okrugli sto o saobraćajnoj kulturi pod nazivom "Preventiva i opredjeljenje". U veoma interesantnom i učenicima primjerrenom predavanju na slikovit način prikazan je problem saobraćajne kulture. Na saobraćajno obrazovnom takmičenju uzele su učešće četiri škole sa 29 takmiča-



ra. Postignuti su skromni rezultati jer se nijedan takmičar nije plasirao na kantonalno takmičenje. Posebno treba istaknuti loše teoretsko znanje jer je najbolji takmičara osvojio tek 75% potrebnih poeni na testovima. Nešto bolji rezultati bili su u praktičnoj vožnji gdje su poligon bez greške provezla tri dječaka. U svakom slučaju od ove sredine se više očekivalo.

Najbolji u kategoriji djevojčica su : Amela Kahvedžić iz Grivica, Dženana Ikanović iz Seone i Lejla Pirić iz Treštenice.

Od dječaka prvo mjesto pripalo je Tariku Ahmetoviću iz Grivica odakle je i drugoplasirani Azur Šehić, dok je treći Muhamed Demirović iz Banovići Sela.

Najbolji rezultat postigla je OŠ Grivice sa 483 poena ispred OŠ Seona i Banovići Sela.





OPŠTINSKO TAKMIČENJE SREBRENIK



Takmičari OŠ Podorašje u prošloj godini ostvarili su izuzetan rezultat u storiji takmičenja na Tuzlanskom kantonu u svih devetnaest ciklusa takmičenja, te je sasvim bilo izvjesno da će škola biti domaćin ovogodišnje saobraćajno obrazovnog takmičenja za opština Srebrenik. Ovogodišnje takmičenje okupilo je takmičare iz osam škola, a učestvovalo je 49 takmičara od toga jedan van konkurenčije. Postignuti su najbolji rezultati na opštinskim takmičenjima u ovoj godini, jer se za kantonalno takmičenje planiralo sedam djevojčica i devet dječaka. Ono što je najbitnije pokazani su odlični rezultati ako ne u rangu prošle godine, ali je značajno da je čak 5 takmičara osvojilo maksimalan broj bodova.

Prvo mjestu u kategoriji djevojčice osvojila je **Amra Muratović** koja je nakon vožnje puža bila bolja od **Jasne Muratović**, obje iz OŠ Podorašje. Treće mjesto pripalo je **Mirandi Mutapčić** iz Sladne koja je takođe zbog osvojenih maksimalnih bodova osvojila ovo mjesto na vožnji puž.

Za kantonalno takmičenje još su se plasirali : **Nermina Hodžić** iz Podorašja, **Merima Omerović** iz Tinje i **Elma Kešetović** i **Ema Sejranić** iz Rapatnice.

U kategoriji dječaka prvi je bio **Emir Fazlić** iz Dubokog Potoka koji je bio bolji u vožnji puža od **Agana Mešića** iz Podorašja koji je bio drugi, dok je treće mjesto pripalo **Ademu Šabanoviću** takođe iz Podorašja. Za



dalje takmičenje još su se plasirali : **Adin Husić i Eldar Džaferović** iz Sladne te **Amir Pedlić i Mursad Mašić** iz Rapačnice. Najbolja škola bila je OŠ Podorašje koja je osvojila fantastičnih 594 poena od mogućih 600, tako da je malo nedostajalo da se dostigne prošlogodišnji uspjeh. Druga je OŠ Rapačnica sa 546 poena dok je treća OŠ Sladna sa 544 poena.



OPŠTINSKO TAKMIČENJE ŽIVINICE



Već po tradiciji organizaciju opštinskog takmičenja u Živinicama preuzima OŠ Đurđevik koja je već duži niz godina domaćin saobraćajno obrazovnog takmičenja.

Na takmičenju pojavilo se 7 škola sa 47 takmičara od toga sedam van konkurenčije. Postignuti rezultati su nezadovoljavajući obzirom da se sa opštine Živinice u vijek plasiralo nekoliko takmičara na kantonalno takmičenje sa veoma značajnom konkurenčijom među školama na samom takmičenju.

Prvo mjesto među djevojčicama zauzela je Mirnesa Kulović, dok je drugo mjesto zauzela Adna Čokić obje iz OŠ Đurđevik. Treće mjesto zauzela je Amina Dedić iz Prve osnovne škole Živinice.

Od dječaka prvi je bio **Ajdin Nukić** iz OŠ Gračanica, koji se jedini plasirao na kantonalno takmičenje sa osvojenih maksimalnim brojem bodova. Drugo mjesto pripalo je Elvisu Rahimiću iz Višće, a treće Emiru Muhiću i Gračanice.

U plasmanu škola prvo mjesto sa 489 bodova pripalo je osnovnoj školi Gračanica, dok je druga bila osnovnoj školi Đurđevik sa 480 bodova. Treće mjesto pripalo je osnovnoj školi Šerići sa 471 bodom. Već po broju ukupno osvojenih bodova vidljivo je da su rezultati takmičenja u Živinicama nešto niži nego što smo to navikli da je ova sredina postizala.



OPŠTINSKO TAKMIČENJE KALESIJA

U posljednje dvije godine osnovna škola Vukovije domaćin je saobraćajno obrazovnog takmičenja za opštine Kalesija, Teočak i Sapna. U ovoj godini nastupilo je pet osnovnih škola uglavnom sa područja opštine Kalesija, jer se kao i do sada iz opština Teočak i Sapna rijetko pojavile ekipe. Učestvovalo je 18 dječaka i 17 djevijčica od toka 5 van konkurenčije. Postignuti su

rezultati u rangu prošlih godina, tako da se na kantonalno takmičenje plasiralo četiri takmičara, tri dječaka i jedna djevojčica. Postignuti rezultati su u domenu očekivanih iako niko nije postigao maksimalan broj bodova. U kategoriji dječaka prvo mjesto pripalo je **Hasanu Majdančiću** iz Vukovija, dok je drugi **Amel Islamović** iz Tojšića, a treći **Enis Sakić** takođe iz Tojšića.

U kategoriji djevojčica prvo mjesto pripalo je **Dalili Softić** iz Kalesije, dok je druga bila Armina Bajrić iz Vukovija. Treće mjesto pripalo je Maida Dropić iz Tojšića.

Najbolje plasirana je osnovna škola **Tojšići** sa 512 bodova, Dok je druga osnovna škola Vukovije sa 508 bodova. Treće mjesto pripalo je osnovnoj školi Rainci Gornji sa 451 bodom.



GRADSKO TAKMIČENJE TUZLA

Već posljednjih nekoliko godina tuzlansko saobraćajno obrazovno takmičenje je očigledno zapalo u krizu obzirom da se na takmičenju pojavljuje tek 25% škola što je najniži procenat učešća na Tuzlanskom kantonu. No i ako bi se prihvatile činjenica da ne postoji interes djece za ovu vrstu takmičenje što je i najčešće opravdanje za nepojavaivanje gradskih škola na takmičenju, onda se izuzetno loš rezultat ne može ničim opravdati, jer se od 31 učesnika niko nije plasirao na kantonalno takmičenje, odnosno najbolji pojedinačni rezultat se kreće

između 82% do 88 %. Najveći dio rezultata kreću se od 60 do 70% osvojenih bodova, a najlošiji rezultat je 39% osvojenih bodova. Ipak ono što ohrabruje da se škole koje se pojavljuju na ovom takmičenju pojavljuju već od početnih ciklusa od prije petnaest i više godina pa se može reći da postoji određen kontinuitet u radu.

Na takmičenju je učestvovan 31 takmičar u konkurenциjama i 7 takmičara van konkurenkcije. Najveći postignuti broj bodova je 88 od mogućih 100.

U kategoriji dječaka prvo mjesto pripalo je Borisu

Mujanoviću iz osnovne škole Sveti Franjo, drugi je bio Tarik Muratović iz osnovne škole Solina, dok je treći Armin Đulović iz osnovne škole Pasci.

U kategoriji djevojčica prva je bila Meliha Jahić, dok je druga Sara Klopić obje iz osnovne škole Novi grad, dok je treće mjesto pripalo Elmi Bajramović iz osnovne škole Pasci.

Najbolje rezultate postigla je osnovna škola Sveti Franjo sa 447 bodova, druga je osnovna škola Pasci sa 438 bodova, dok je treća osnovna škola Solna sa 415 bodova.



SPONZOR

**MINISTARSTVO TRGOVINE, TURIZMA
I SAOBRAĆAJA TUZLANSKOG KANTONA**